



NOGOMETNI SAVEZ FEDERACIJE BiH

Broj: 557/25

Sarajevo: 01.04.2025. godine

Na osnovu člana 36., a u vezi sa članom 69. i članom 46 (2) Statuta Nogometnog saveza Federacije Bosne i Hercegovine (u daljem tekstu : NS FBiH), Komitet za hitnost NS FBiH je dana 18.02.2025. godine donio Odluku o imenovanju Komisije za normalizaciju funkcioniranja Fudbalskog saveza Kantona Sarajevo (u daljem tekstu : Komisija). Komisija je dana 01.04.2025. godine održala sjednicu, te razmatrala pitanja vezana za provođenje Plana aktivnosti na normalizaciji funkcioniranja Fudbalskog saveza Kantona Sarajevo (u daljem tekstu : FS KS), te je donijela sljedeće:

ZAKLJUČKE

1. Komisija posebno naglašava kako su unutrašnji problemi u FS KS, a prvenstveno narušeni personalni odnosi i suprotstavljeni pojedinačni interesi, stvorili situaciju koja je u proteklom periodu dovela do ozbiljnih blokada u radu FS KS, a što je osobito izraženo u nekoliko bitnih aspekata :

- a) Neusaglašenost Statuta FS KS sa propisima Nogometnog saveza Federacije Bosne i Hercegovine (u daljem tekstu : NS FBiH) i Nogometnog/Fudbalskog saveza Bosne i Hercegovine (u daljem tekstu : NS/FS BiH);
- b) Neusaglašenost Statuta FS KS sa odredbama Zakona o sportu Kantona Sarajevo (Zakon o sportu „Službene novine Kantona Sarajevo“ broj: 36/12; 45/12-prečišćenitekst; 36/21;);
- c) Neprovođenje izbora za organe i tijela u FS KS a što je, pored narušenih odnosa i neizbora nadležnih organa i tijela u FS KS, kao izuzetno ozbiljnu posljedicu imalo i neizbor predstavnika FS KS u organe i tijela na nivou NS FBiH i NS/FS BiH;
- d) Komisija posebno naglašava da, od ukupno 10 kantonalnih nogometnih/fudbalskih saveza u NS FBiH, 5 područnih fudbalskih saveza u FS RS, te 2 entitetska saveza, izborne skupštine i izbori jedino nisu provedeni u FS KS, što dovoljno i bez ikakvog dodatnog komentara ilustruje stanje odnosa u FS KS, a što je dovelo i do potrebe imenovanja Komisije za normalizaciju funkcioniranja Fudbalskog saveza Kantona Sarajevo od strane Komiteta za hitnost NS FBiH;

2. Komisija konstatuje kako su, nakon sagledavanja stanja i problema u FS KS, od strane Komisije predložene i preduzete značajne mjere i aktivnosti na normalizaciji funkcioniranja FS KS. U cilju upoznavanja svih relevantnih subjekata i zainteresovane javnosti sa dosadašnjim i budućim planom aktivnosti Komisije s ciljem potpune normalizacije funkcioniranja FS KS posebno želimo naglasiti važnost nekih od bitnih aktivnosti, koje se provode ili će biti provedene u narednom periodu:

- a) Prije svega Komisija konstatuje da se, nakon određenih početnih dilema i problema, uspjele postići da se takmičenja na svim nivoima u FS KS odvijaju prema planu i programu, a što je izuzetno važno za proces normalizacije funkcioniranja FS KS ;

- *nosoci daljih aktivnosti na ovom planu – organi i tijela FS KS*

b) Komisija je u svojim zadacima, kao prvi prioritet, utvrdila potrebu donošenja novog Statuta FS KS, koji bi trebao biti potpuno usaglašen sa propisima NS FBiH i NS/FS BiH, kao i sa odredbama Zakona o sportu Kantona Sarajevo. U tom cilju od strane Komisije je imenovano radno tijelo, odnosno Komisija za izradu nacrt Statuta FS KS - koju čine stručnjaci predloženi od strane klubova, sa zadatkom da ovo radno tijelo pripremi tekst nacrt Statuta FS KS najkasnije do 10.04.2025. godine. Nakon što radna grupa, odnosno Komisija za izradu nacrt Statuta FS KS dostavi tekst nacrt Statuta FS KS Komisiji, ovaj nacrt Statuta FS KS će biti dostavljen svim klubovima radi davanja mišljenja na nacrt Statuta FS KS.

- *nosoci daljih aktivnosti na ovom planu – Komisija za normalizaciju funkcioniranja FS KS; Komisija za izradu nacrt Statuta FS KS; klubovi*

c) Komisija će u pripremi konačnog teksta Statuta FS KS i sa nadležnim vlastima Kantona Sarajevo, obaviti konsultacije o usklađenosti nacrt Statuta FS KS sa odredbama Zakona o sportu Kantona Sarajevo (Zakon o sportu „Službene novine Kantona Sarajevo“ broj: 36/12; 45/12-prečišćeni tekst; 36/21;);

- *nosoci daljih aktivnosti na ovom planu – Komisija za normalizaciju funkcioniranja FS KS;*

d) Nakon provođenja navedenih aktivnosti bi trebala biti zakazana i održana Skupština FS KS na kojoj bi se razmatralo usvajanje novog Statuta FS KS. S obzirom na dosadašnje kašnjenje, odnosno neodržavanje izborne Skupštine FS KS, Komisija smatra da bi sve aktivnosti na usvajanju novog Statuta FS KS trebalo provesti najkasnije do kraja aprila 2025. godine;

- *nosoci daljih aktivnosti na ovom planu – Komisija za normalizaciju funkcioniranja FS KS; Komisija za izradu nacrt Statuta FS KS; klubovi*

e) Nakon donošenja novog Statuta FS KS biće preduzete aktivnosti na sazivanju i održavanju izborne Skupštine FS KS, a koja bi se trebala održati najkasnije do kraja maja 2025. godine. Na ovoj izbornoj Skupštini trebala bi se birati tijela i organi FS KS, kao i predstavnici FS KS za tijela i organe na nivou NS FBiH i NS/FS BiH;

- *nosoci daljih aktivnosti na ovom planu – Komisija za normalizaciju funkcioniranja FS KS; Komisija za izradu nacrt Statuta FS KS; klubovi*

3. Komisija ističe kako je strateško opredjeljenje u njenom radu da se, donošenjem novog Statuta FS KS, stvore pretpostavke za ostvarivanje i zaštitu najboljih interesa klubova u radu organa i tijela na nivou FS KS, kao i na nivou NS FBiH i NS/FS BiH. U ostvarivanju ovih ciljeva Komisija posebno cijeni dosadašnju zainteresovanost klubova i ostalih subjekata za normalizaciju funkcioniranja FS KS i za rad ove Komisije, te očekuje da će taj interes biti iskazan i u daljim procesima. Komisija smatra da sadašnje i buduće pozicioniranje FS KS u cjelokupnoj organizaciji nogometnog/fudbalskog sporta u BiH izuzetno zavisi od uspješnog okončanja započetih procesa na normalizaciji funkcioniranja FS KS. Komisija je uvjeren da će svi nadležni subjekti, a prije svega klubovi udruženi u FS KS, organi na nivou NS FBiH i NS/FS BiH, kao i nadležne javne vlasti, pokazati izuzetnu ozbiljnost i odgovornost u izgradnji međusobnog povjerenja kroz proces izmjena Statuta FS KS i kroz uspješnu organizaciju i održavanje izborne Skupštine FS KS.

4. Komisija želi posebno naglasiti, da je bez obzira na činjenicu neopravdanog kašnjenja u usklađivanja Statuta FS KS sa zakonskim i propisima NS/FS BiH, te činjenicu neodržavanja izborne Skupštine FS KS u rokovima predviđenim Mapom puta NS/FS BiH, ipak na nivou NS FBiH i NS/FS BiH iskazan izuzetan stepen razumijevanja i spremnosti da se, nakon provođenja svih prethodno navedenih aktivnosti, predstavnici FS KS naknadno izaberu i uključe u rad svih organa i tijela na nivou NS FBiH i NS/FS BiH. Iz navedenih razloga Komisija očekuje da će svi oni, kojima je u interesu normalizacija funkcioniranja FS KS, odgovarajuća zastupljenost klubova u procesima odlučivanja, kao i ukupni razvoj nogometnog/fudbalskog sporta u Kantonu Sarajevo, dati svoj doprinos u procesima rješavanja navedenih problema.

Predsjednik Komisije

Prof.dr.sc. Enes Hašić



Dostavljeno :

1. Izvršnom odboru NS FBiH
2. Fudbalskom savezu Kantona Sarajevo
3. Članovima Komisije
4. a/a